



UNIVERSITÄTS-
BIBLIOTHEK
PADERBORN

Universitätsbibliothek Paderborn

L. Annæi Senecæ Philosophi Opera, Qvæ Exstant Omnia

Seneca, Lucius Annaeus <Philosophus>

Antverpiæ, 1605

Excerpta Alia.

[urn:nbn:de:hbz:466:1-53700](#)

EXCERPTA ALIA.

I C E T cunctorum poëtarum carmina gremium tuum semper il-lustrent, aliquando deliberans, hoc tibi opusculum pro acciden-tibus casibus dirigere curauit, quod non præcedentes, sed posteri narrabunt. Vnde ergo primum incipimus? Si tibi viderur, à mor-te. Ab ultimo, inquis: imò à maximo. Ad hoc præcipue gens hu-mana contremisit: nec immetitò tibi videtur hoc facere. Ceteri ti-mores habent aliquem post se locum: mors omnia abscindit. Alia nos torquent: mors omnia deuorat. Omnia quæ horremus, ad hanc exitus spectat aliorum quæ per circuitum. Etiam qui alioqui se nihil timere iudi-cant, hoc timent. Quidquid aliud extimescimus, habet aut remedium, aut solatum.

B Sic ergo te forma, ut si quis tibi palam mortem minetur, omnes terriculas eius deludas.

Morieris. Ista hominis natura est, non poena. Morieris. Hac conditione intravi, ut exirem. Morieris. Gentium ius est, quod acceperis, reddere. Morieris. Peregrinatio est vita. Multum cum deambulaueris, domum redeundum est. Morieris. Putabam te ali-iquid noui dicere. Ad hoc veni, hoc ago, huc me singuli dies adducunt. Nascenti mihi natura protinus hunc posuit terminum. Quid habeo quod indigner? In hac verba iu-raui. Morieris. Stultum est timere, quod vitare non possis. Istud non effugit, etiam qui diffluit. Morieris. Nec primus, nec ultimus. Multi me ait escerunt, omnes sequentur. Morieris. Hic est humani officij finis. Quis sanus exauctiori molestè tulit? Quo trans-fit orbis, ego transibo. Ad hanc conditionem cuncta gignuntur. Quod cœpit, & des-finit. Morieris. Nihil graue est, quod semel est. Æs alienum meum noui. Hoc quidem cum eo creditore contraxi, cui decoquere non possum. Morieris. Dij melius. Nemo hac re melius mortalibus minari potest.

C Sed decollaberis. Quid interest, vtrum cæsim moriar, an punctim? Sed sœpe feri-ris, & multi in te gladij concurrent. Quid refert, quām multa sint vulnera? Non potest amplius quām vnum esse mortiferum.

Peregrè morieris. Vndecumque ad inferos vna via est. Peregrè morieris. Ego quod debeo, soluere paratus sum. Videat fenerator, ubi me appellat. Peregrè morieris. Nulla terra est aliena mortuo. Peregrè morieris. Non est grauior foris quam domi somnus. Peregrè morieris. Hoc est, in patriam sine viatico peruenire.

Sed iuuenis morieris. Optimum est, antequam optes, mori. Iuuenis morieris. Hoc vnum est, quod æquè ad iuuenem quām ad senem pertinet. Non citamur ex censu, nec exigitur numerus annorum. Et adolescentes & impuberis eadem fati necessitas dicit. Optimum est mori, cum iuuat viuere. Iuuenis morieris. Quicumque ad extremum fati sui venit, senex moritur. Non enim refert quæ sit hominis ætas, sed quæ sit meta. Iuue-nis morieris. Fortasse alicui malo subducit me fortuna: si nulli alij, vel senectuti. Iuue-nis morieris. Non refert, quot annos habeam, sed quot acceperim. si plus viuere non possum, hæc est senectus mea.

Insepultus iacebis. Quid aliud respondeam, quām illud Maronis?

— Facilis iactura sepulcri.

Si nihil sentio, non pertinet ad me iactura corporis insepulti. Si sentio, omnis sepultura tormentum est. Insepultus iacebis.

— Celo tegitur, qui non habet urnam.

Quid interest, ignis me an fera consumat, an tellus omnium sepultura? Istud non sen-tienti superuacuum est, sentienti onus. Insepultus iacebis. At tu combustus, at tu obru-tus, at tu inclusus, at tu putridus, at tu evisceratus & constrictus, at traditus lapidi, qui te paullatim edat & exsiccat. Nulla est sepultura, non sepelimur, sed proiicimur. Non sepelieris. Quid inter tutissima trepidas? Ultra pœnarum omnium terminum iste lo-cus est. Vitæ multa debemus, morti nihil. Non defunctorum caussa, sed viuorum, in-uisenta

uenta est sepultura, ut corpora & visu, & odore foeda, amouerentur. alios terra obruit, A alios flamma consumpsit, alios lapis ossa redditurus inclusit. Non defunctis, sed nostris oculis parcimus.

Ægroto. Venit tempus quo experimentum mei caperem. Non in mari tantum, aut in prælio vir fortis apparet. Exhibitetur etiam in lectulo virtus. Ægroto. Non potest istud toto sæculo fieri. Aut ego febrem relinquam, aut ipsa me. Semper vna esse non possumus. Cum morbo mihi res est: aut vincetur, aut vincet.

Malè de te loquuntur homines. Sed mali. Mouerer, si de me Marcus Cato, si Lælius Sapiens, si alter Cato, si duo Scipiones ista loquerentur. Nunc malis displicere, laudari est. Non potest villam auctoritatem habere sententia, ubi qui damnandus est, damnat. Malè de te loquuntur. Mouerer, si iudicio hoc facerent: nunc morbo faciunt. Non de me loquuntur, sed de se. Malè de te loquuntur. Benè nesciunt loqui: faciunt, non quod mereor, sed quod solent. Quibusdam enim canibus sic innatum est, ut non pro feritate, sed pro consuetudine latrent.

B Exsulabis. Erras: cum omnia fecerim, patriam meam transire non possum. Omnium vna est. Extra hanc nemo profici sci potest. Exsulabis. Non patria mihi interdicitur, sed locus. In quamcumque terram venio, in meam venio. Nulla terra exsiliū est, altera patria est. Non eris in patriâ. Patria est, vbi cumque bene est. Illud autem per quod bene est, in homine, non in loco est. In ipsius potestate est, quæ sit illi fortuna. Si enim sapiens est, peregrinatur: si stultus, exsulat. Exsulabis. Hoc dicas: alterius loci ciuitate donaberis.

Dolor imminent. Si exiguis est, feramus: leuis est patientia. Si grauis est, feramus: non leuis est gloria. Dolor clamorem exprimat, dum secreta non exprimat. Non potest homo par dolori esse, nec rationi dolor. Dura res est dolor: immo tu mollis. Pauci dolorem ferre potuerunt. Simus ex paucis. Imbecilles naturâ sumus. Naturam infamare nolite. illa nos fortes genuit. Fugiamus dolorem. Quid, quod ille sequitur fugientes?

C Paupertas mihi grauis est, immo tu paupertati. Non in paupertate vitium est, sed in paupere. Illa expedita est, hilaris, tuta. Pauper sum. Nescis te opinione, non re laborare. Pauper es, quia videris. Pauper sum. Nihil deest auibus. pecora in diem viuunt. feris ad alimenta solitudo sua sufficit.

Non sum potens. Gaude, impotens non eris. Iniuriam accipere potero. Gaude: facere non poteris. Magnam pecuniam habet. Hominem illum iudicas? arca est. Quis æratio, quis plenis loculis inuidet? Et iste quem dominum pecunia existimas, loculus est. Multum habet. Vtrum avarus, an prodigus est? Si avarus, non habet: si prodigus, non habebit. Iste quem beatum credis, sape dolet, sape suspirat. Multi illum comitantur. Mel muscae sequuntur, cadavera lupi, frumenta formicæ. Prædam sequitur ista turba, non hominem.

D Pecuniam perdidi. Fortasse te illa perdidisset. Pecuniam perdidi. Sed habuisti. Pecuniam perdidi. Sed habebis inde periculi minus. Pecuniam perdidi. O te felicem, si cum illâ avaritiam perdidisti. Sed si manet illa apud te, es tamen vrcumque felicior, quod tanto malo materia subducta est. Perdidi pecuniam. & illa quidem quam multos. Eris nunc in viâ expeditior, domi tutior. Non habebis, sed non timebis heredem. Exoneravit te fortuna, si intelligis, & tuiro loco posuit. Damnum putas? remedium est. Desles, gemis, miserum te clamitas, quod opibus excussus es? Tuò vitio ista tibi iactura tam trifis est. Non tam moleste ferres, si tamquam perditurus habuisses. Perdi di pecuniam, nempe quam ut tu haberes, alias ante perdiderat.

Oculos perdidi. Habet & nox suas voluptates. Oculos perdidi. Quam multis cupiditatibus via incisa est, quam multis rebus carebis, quas ne videres, vel eruendi erant. Non intelligis partem innocentiae esse cætitatem. Huic oculi adulterium monstrant, huic incestum, huic domum quam concupiscat, huic vrbe, & mala omnia. Certè irritamenta sunt vitiorum ducesque scelerum.

E Amisi liberos. Stultus es, qui defleas mortem mortalium. Quid istud aut nouum, aut mirum est? Quam rata est sine isto casu domus. Quid si infelicem voces arborem, quod

A quod stante ipsa cadunt poma? Et hic tuus fructus est. Nemo extra ieiunum vulneris positus est. Ducuntur ex plebeia domo immatura funera, ducuntur & ex regia. Non est idem ordo fati, qui & aetatis. Non quomodo quisque venit, emittitur. Quid tamen est quod indigneris? Quid contra expectationem tuam euenit? Petiere penitenti. Sed ego illos superstites optabam. Verum hoc nemo tibi promiserat. Perierunt liberi mei. Habebant illi cuius essent magis quam tui: apud te precario morabantur. Educando tibi fortuna mandauerat. recepit illos, non abstulit.

Naufragium feci. Cogita non quid perdidisti, sed quod euaseris. Nudus exi. Sed existi. Omnia perdidi. Sed perire potuisti vna cum omnibus.

In latrones incidi. Sed alius in accusatores, alius in fures, alius in fraudatores. Plena est insidiis via. Noli conqueri quod incideris: gaudie quod euaseris. Inimicos graues habeo. Quomodo aduersus feras munita conquiris, quomodo aduersus serpentes: sic aduersus inimicos auxilia circumspice, quibus illos aut arceas, aut compescas, aut quod B optimum est, places. Inimicos habeo. Illud est peius, quod amicos non habes.

Amicum perdidi. Iam enim te habuisse certum est? Amicum perdidi. Alium querere: & ibi eum queretas, vbi inuenire possis. Quare inter liberales artes, inter honesta & recta officia, quare in laboribus. Ad mensam ista res non queritur. quare aliquem frugi. Perdidi amicum. Fortem animum habe, si vnum: erubesc, si vnicum. quid tu in tantâ tempestate ad vnam anchoram stabas?

Vxorem bonam amisi. Vtrum inueneras bonam, an feceras? Si inueneras, habere adhuc te posse ex hoc intelligas licet, quod habuisti. Si feceras, bene spera. Res periit: salutis est artifex. Amisi vxorem bonam. Quid in illâ probabas? Pudicitiam? Quam multæ diu custoditam perdidere? Decus? Quam multæ inter probatas matronalis ordinis, esse cooperunt postea inter exempla mutatarum? Delectabat te fides eius? Quam multas ex optimis coniugibus pessimas videmus, ex diligentissimis solutissimis? Omnia quidem imperitorum animus, maximè tamen muliebris, in lubrico est. Si bonam

C vxorem habuisti, non potes affirmare in illo eam permansuram fuisse proposito. Nihil tam mobile quam feminatum voluntas, nihil tam vagum. Nouimus veterum matrimoniorum repudias, & fœdiores diuortio, male coharentium rixas. Quam multæ quos in adolescentia amauerunt, in communi reliquere senectute: quoties anile diuortium risimus: quam multatum notus amor odio notiore mutatus est? Sed hæc & fuit bona, & fuisset, si vixisset. Mors effecit, ut affirmare id sine periculo possis. Bonam vxorem amisi. Inuenies, si nihil queris, nisi bonam. Tu modò ne imagines, proatosque respexeris, nec patrimonium, cui iam ipsa nobilitas cessit. Ista diu cum formâ non repugnabunt. Facilius reges animum, nullâ vanitate tumentem. Non multum abest à contemptu viri, quæ se nimis suspicit. Duc bene institutam, nec maternis inquinatam vitiis. non cuius auriculis vtrumque bina patrimonia dependant. non quam margaritæ suffocent, cui minus sit in dote quam in veste: quam in patente sellâ circumlatam per vrbem populus ab omni parte æquæ vt maritus inspiceret: cuius sarcinis domus sit angustia.

D sta. Hanc facile ad tuos mores rediges, quam nondum corruperunt publici. Vxorem bonam amisi. Non erubescis flere, & intolerabilem vocare iacturam? Hoc vnum deest, vtrum illam lugeas, an non. Cum maritum te cogitaueris, cogita & virum. Amisi vxorem bonam. Soror bona non potest recuperari, nec mater. Vxor aduentitium bonum est: non est inter illa, quæ semel vnicuique contingunt. Amisi vxorem bonam. Multos tibi numerare possum, quibus bonam vxorem lugentibus succedit melior.

Mors, exsilio, lucretus, dolor, non sunt supplicia, sed tributa viuendi. Neminem illesum fata transmittunt. Felix est, non qui aliis videtur, sed qui sibi.

Hæc EX C E R P T A libenter omissem. Seneca enim non esse, vel cæco perspicuum est. Sed veritus sum, nequis ea, cuicunque sunt, sublata quereretur. Et in eis tamen multa ex vetere libro emendauimus.

C O M-